

रायजोनि सुंद' फोरमायथि

आसामा सा-सानजा भारतनि दरसे रायजो, जाय बेनि दोहोनि हारिमुवारि उनमोनथाय, सोमखोर साहा बागान, गोबां दैमा दैसा आरो गुबुन गुबुन हारिफोरनि थाखाय मुंदांखा।

बुहुमखौरां:

भारतनि सा-सानजा ओनसोलनि दरखं मोखां महुरै, आसामा अरुणाचल प्रदेश, नागालेण्ड, मनिपुर, मिजराम, त्रिपुरा, मेघालय आरो सोनाब बंग'नि सिमाजों लोगोसे बांग्लादेश आरो भुटाननि हादर गेजेरारि सिमाफोरजों सिमासे। रायजोनि बांसिन हायेनफोरा बुरलुंबुथुर सेरफाङाव दं, जायनि बिखाजों भारतनि मोनसे गाहाइ दैमा बुरलुंबुथुर दैमाया बोहैलाङो, आरो आबाद मावनायनि थाखाय हासार गोनां हायेन सोरजियो। रायजोनि खोला बाहागोआ बराक सेरफांआव दं, जायनि गेजेरजों बराक दैमाया बोहैलाङो। रायजोनि सा आरो खोला फारसे हाजोआरि ओनसोलफोरबो दङ, जेराव हाग्रानि जिब अरनबारि (Wildlife sanctuaries) आरो हादरारि हाग्रामाफोर (National park), जेरै- काजिरङा हादरारि हाग्रामा दङ, जाय हाग्रामाया थसेल' गं गोनां गान्दानि थाखाय मुंदांखा।

हारिमु आरो सुबुं सानखो:

आसामा गुबुन गुबुन हारियारि सुबुंफोरनि मोनसे बांहारिमुवारि समाज गोनां रायजो। आसामनि सुबुंफोरखौ जयै अस'मिया होननानै मिथिनाय जायो, हारिसाफोर जेरै बर', मिचिं, तिवा, कार्बि, दिमासा, कचारि, राभा आरो गुबुन गुबुन हारिसा आरो हारिसा-नडै हारिफोरनि मोनसे समाजारि गोरोबलायनाया दङ। अस'मिया रावा रायजोनि फोनांजाब राव (लिंगुआ फ्रेंका) आरो ट्राइबेल राव आरो अस'मिया रावनि गुबुन गुबुन रावसाफोरखौ गावजों गाव रायज्जायनो थाखाय बाहायनाय जायो। आसामा आबाद मावनायनि बोथोरखौ फालिनाय फोरबो जेरै- बिहु, बाइखु, बैसागु बादि फोरबोफोरनि थाखाय मिथिजानाय।

रांखान्थि बिथिं :

आसामनि रांखान्थिया गाहायै आबाद-गाहाइ, जेराव साहाया मोनसे गाहाइ आबाद। गुबुन रांखान्थियारि बिथिंफोरा जाबाय थाव आरो मिथिंगायारि गेस दिहुन्नाय, मुगा दिहुन्थाय (गुबैयै मुगा आरो इन्दि खुन्दुं) आरो सि दानाय। बुरलुंबुथुर दैमाया ना हमनाय आरो हादरनि सिङारि दै हान्था-मेलायाव हेफाजाब होयो, बबेखानि रायजोनि मिथिंगायारि समायना आरो जिब अरनबारि थानायनि थाखाय दावबायथाया मोनसे गोनांथार बिफाव लायो।

गासै सुबुं अनजिमा:

2011 माइथायनि सुबुं सानखो बादियै, आसामनि गासै सुबुं अनजिमाया सा 3,12,05,576 (हौवा= 1,59,39,443 सा, आरो हिनजाव = 1,52,66,133 सा) ।

लेखा रेंथायनि हार:

भारतनि 2011 मायथाइनि सुबुं सानखोनि बादिब्ला, आसामनि लेखा रेंथायनि हारा 72.19% मोन (हौवाफोरनि लेखारेंथाया 77,85% आरो हिनजावफोरनि लेखारेंथाया 66.27%) । Periodic Labour Force Survey (PLFS) 2025 नि बादिब्ला आसामनि 7 बोसोर आरो बेनि बांसिन बैसोनि सुबुंनि लेखारेंथायनि हारा 88.1% सिम बांदों ।

गाहायाव दिन्थिनाय पेरिअदिक लेबार फर्स सार्भेनि (PLFS) बोसोरारि फोरमायथियाव दावगानायखौ नुनो मोननाय जादों:

PLFS रिपोर्ट	आसामनि लेखा रेंथायनि हार {%}	भारतनि लेखा रेंथायनि हार (%)
PLFS 2021-22	87.90	79.7
PLFS 2022-23	77.50	80.3
PLFS 2023-24	87.00	80.9
PLFS 2025	88.10	81.1

भारतनि लेखा रेंनायनि बेखेवथि

हादरनि लेखा रेंनायनि थांखिफोरखौ दावगाहोनो थाखाय मोनसे दावगाफु आगानजों भारत सरकारनि सोलेंथाइ मन्थ्रि आफादनि (Ministry) फरायसालि सोलेंथाइ आरो लेखा रेंनाय बिफाना भारतनि सोमोन्दै नोजोर होनानै लेखा रेंनायनि मोनसे फोसाबलु आरो आबुं फोरमायथि होदों। बे नाजानाया हादरारि सोलेंथाइ बिखान्थि (NEP) 2020 नि थांखिफोरजों गोरोबो आरो ULLAS- नव भारत साक्षरता कार्यक्रमनि सिङाव गासै राइजो/हायुङारि खुंथाइनि आबुं लेखा रेंनायखौ गोखै मोनहोनो थांखि लायो। बेयो SDG 4.6 खौबो मदद होयो जाय 2030 मायथाइनि गेजेराव गासै लाइमोनफोर आरो बैसोगोराफोरनि बांसिन बाहागो, हौवा आरो हिनजावफोरा लेखा रेंनाय आरो अनजिमा रेंनायखौ मोनफुंनो हानायनि सोमोन्दै । बेखौ नोजोर होनानै, बिफाना लेखा रेंनायनि मोनसे रोखा आरो जथाय बेखेवथि गायसननायनि गोनांथिखौ हमदांनो हादोंन। लेखा रेंनायनि ओंथि बेखेवनाया दायो, फरायनो, लिरनो आरो बुजिनो हानाय गोहो थामहिनबा डिजिटल लेखा रेंनाय, राङारि लेखा रेंनाय बायदि गोनांथार जिउनि रोंगौथिजों लोगोसे सिनायथिनो, बुजिनो, बेखेवनो आरो सोरजिनो हानाय गोहो। बे नोजोरा थि खालामो दि साफ्रोमबो सुबुङा समाजाव आबुङै नांथावनो आरो बिहोमा होनो थाखाय साखा-फारा जायो।

(फुंखा: <https://www.pibgov.in/PressReleaseDetailm.aspx?PRID=2049494®=3&1ang=2>)

ULLAS – बिथांखिनि सोमोन्दै:

ULLAS - आ जाबाय भारत सरकारनि सोलोंथाइ मन्त्रि बिफाननि लेखा रोंथाइ हाबाफारि महुरैबो मिथिजानाय सोलोंथाइ आरो लेखा रोंथाइनि मोनसे गोदानथार मावफारि। बेनि नोजोरा जाबाय 15 बोसोर आरो बेनि बांसिन बैसोनि सुबुंफोरनि थाखाय मावसोम हानजाजों दैदेनजानाय (Volunteer-driven) सोलोंथाइ लानाय आरो जिउनां सोलोंनायनि खाबुखौ बांहोनानै भारतखौ "जन जन साक्षर" (साफ्रोमबो नोगोरारि लेखा गोरों) खालामनाय। बे मावफारिया कर्तव्य बंध (मावनायनि सांग्रांथि) नि सानस्त्रियाव रोदा सुनाय आरो थांखि लायो मोगथाडारि गोनांथार जिउनि आदबखौ बांहोनानै लेखा रोंनायनि फारागथिखौ फोजोबनाय।

भारत सोरखारा रांखान्थियारि बोसोर 2022-27 नि थाखाय "गासैनिबो सोलोंथाइ (Education for All)" नोजोरखौ लानानै मिरुजों हेफाजाब होजानाय "गोदान भारत लेखा रोंनाय हाबाफारि (NILP)" मावथांखिखौ गनायथि होदों। आसामाव बे बिथांखिखौ 2023 माइथायनिफ्राय जागायनाय जादों आरो बे बिथांखिखौ हादरसानि गासै मोन 34 (थामजिब्रै) खुंथाइ जिलाफोराव मावफुंनाय जादों।

बैसोगोरा सोलोंथाइनि NEP-2020 नि बोसोनफोरजों लोगोसे, जथाय हादर आफादनि (United Nations) गोजोरथियारि जौगाथाय थांखि (SOG) 4.6 आ बिथोन होयो दि "2030 माइथायनि मादाव गासैबो लाइमोन आरो बैसोगोरा, हौवा आरो हिनजावफोरा लेखा रोंनाय आरो अनजिमा रोंनायखौ मोनफुंनो हायो। बेनिखायनो हादरा 2030 मायथाइसिमाव लेखा रोडैखौ फोजोबनांगोन आरो 100% लेखा रोंनायखौ मोनफुंनो हाथार नांगोन।

गोजोरथियारि जौगाथाय थांखि (SDG 4) गाहाय थांखिफोरा गाहायाव होनाय बादि:

- 4.1 गासैनिबो थाखाय बेसेन नाडालासे गुदि आरो गेजेर सोलोंथाइ होनाय
- 4.2 उन्दै खुदियाफोरनि सोलोंथाइ आरो जोथोन मोननो हानाय।
- 4.3 खम बेसेननि आरो गुन गोनां आरोदायारि, फालांगियारि, फरायसालिमा आरो मुलुगसोलोंसालि।
- 4.4 खामानि थिसनथाय आरो गावसुंथायारि आदब
- 4.5 आथोननि फारागथि फोजोबनाय आरो समान थिसनथायखौ थि खालामनाय।
- 4.6 गासैबो लाइमोन आरो बांसिन बैसोगोराफोरा अनजिमा आरो लेखा रोंनायखौ रोखा खालामनाय।
- 4.7 गोजोरथियारि जौगानायनि थाखाय गियान आरो आदब रोंग'थि।

गोदान भारत लेखा रोंनाय हाबाफारिनि (NILP) थांखिफोर:

- गुदि लेखा रोंनाय आरो अनजिमा रोंनाय,
- गोनां जिउनि आदबफोर

- गुदि सोलोंथाइ (Equivalency)
- फालांगियारि आदब जौगाहोनाय, आरो
- 21 थि जौथाइनि नोगोरारिफोरनि थाखाय नांगौ जानाय सोलोंथाइखौ होबाय थानाय ।

ULLAS - मावफुंनायनि मावसोलो

1. मावसोम हानजाफोरनि गेजेरजों मावफुंनाय:

बे मावथांखिखौ मावसोम हानजाफोरनि गेजेरजों मावफुंनो थांखि लानाय जादों। मावसोम हानजाफोराव थागोन फरायसालिनि थाखो 5 आरो बेनि गोजौनि फरायसाफोर, NCTE नि TEIs (M.Ed./B.Ed./D.El.Ed./B.T.C./J.B.T. बायदिनि फोरोंगिरि सोलोंथाइ फसंथान) नि गिबि फरायसाफोर, HEIs जों लोगोसे समाजनि सोद्रोमाफोर, NYKS, NSS, NCC बायदिनि मावसोम हानजाफोर, CSOs नि मावसोम हानजा, समाज, नखरारि आइजो, आंगनवाडी मावथिफोर, फोरोंगिरिफोर, गामि पनसायत (PRIs), आरो गुबुन फसंथानफोरनि मावसोम हानजाफोर ।

2. लेखा रोडि आरो VTs नि सार्भे खालामनाय

लेखा रोडि आरो मावसोम फोरोंगिरिफोरखौ (VTs) सिनायथिनो थाखाय फरायसालि थाखोआव राइजो/हायुडारि खुंथाइनि जिलाफोरा सार्भे खालामग्राफोरखौ सिनायथिनाय/थिसननाय जागोन।

3. लेखा रोडि (सोलोंसाफोर) आरो मावसोम हानजाफोरखौ सिनायथिनाय।


4. सिनायथिनि उनाव, Tagging/Matching/Batching बिखान्थिखौ आखायाव लानाय जागोन, जेराव सार्भे खालामग्राफोरा सिनायथिजानाय लेखा रोडि सुबुंफोरजों मावसोम फोरोंगिरिफोरखौ (VTs) फोनांजाबगोन, गोरोबहोगोन आरो हानजा खालामगोन।

5. हादरसा लेखा रोंनाय मिरु (SCL): हादरसा सोलोंथाइ-बिसिरसं आरो फोरोंथाइ गथुम (SCERT) आव गायसननाय हादरसायारि लेखा रोंथाइ मिरुआ अफलाइन आरो अनलाइन मोननैबो बिजोंआवनो गुदि फरा बिजाब , बिथोनारि बिजाबसा, सोंलु बिलाइ आरो सोलों फोरों आगजु जागायगोन।

6. सोलोंसाफोरनि सुमोनथाय आरो फोरमानथि:

- रायजो/हायुडारि खुंथाइफोरा बोसोराव खेबनै सोरखारि/ अनसुंथाइ मोन्नाय फरायसालिफोर, राइजोनि नमा /हल एबा फरायसालिनि खाथि-खाला थानाय गुबुन साबजाथाव जायगाफोराव सुमोनथाय आन्जाद खुंनायनि बिबान थागोन।
- गेवलां फरायसालिनि हादरारि फसंथान (NIOS) आरो हादरारि लेखारोंनाय मावथांखि खोमथाइया (NLMA) जयै जाफुंसार सोलोंसाफोरनो फोरमान बिलाइ गथायगोन।

ULLAS नि मावफुं थान्दैफोर:



आसामाव मावफुंनाय:

आसामनि रायजोआरि थाखोआव बे बिथांखिखौ Director of Non Formal Adult Education (DNF&AE) नि सिङाव थानाय रायजो लेखारोंनाय मावथांखि खोमथाइनि (SLMA) जोहै बेखेवनो थांगासिनो दङ। जिला खोलोबाव बे मावथांखिखौ थि जिला लेखा रोंनाय मावथांखि खोमथाइनि (District Literacy Mission Authority) गेजेरजों मावफुंनाय जायो।

फोरोंजेनलाइ आरो गाइडबुकजों सोमोन्दो गोनां सोलोंथाइफोरनि थाखाय हादरसायारि सोलोंथाइ बिजिरसं आरो फोरोंथाइ गथुमा (SCERT) हादरसायारि लेखा रोंनाय मिरु (SCL) मह्रै खामानि मावनाय मिरुनिफ्राय सोलोंनाय मुवाफोरखौ आजावो आरो बेफोरखौ मोनब्रै रावसिम राव दानस्लायहोयो। आसामनि हारिमु आरो बिथिंखौ दिन्थिनो थाखाय मुवाफोरखौबो मोजाडै सोलायनाय जादों।

नोजोरगोनां आयदाफोरा जाबाय:

गुदि लेखा रोंनाय आरो अनजिमा रोंनाय: लेखा रोंनाय नडै लाइमोन आरो बैसोगोराफोरनो गुदि फरायनाय, लिरनाय आरो सानखान्थि फोरोंनाय।

गोनांथार जिउ आदब: सावस्त्रि, साखोन-सिखोन, राङारि लेखा रोंनाय, डिजिटेल रोंग'थि आरो आबहावायारि बिबाननि सायाव सांग्रांथि।

मावसोमबाद: फरायसा, फोरोंगिरि, आजिरा लानाय रोंगौथि गोनां आरो समाजनि सोद्रोमाफोरखौ ULLAS मित्र (मावसोम फोरोंगिरि) मह्रै फुस्लायनानै हाबा मावहोनाय।

ओनसोलारि आयदा: सोलोंनायखौ हारिमुवारि बिथिंजों सोमोन्दो गोनां आरो गोरलैयै मोननो हानाय खालामनो थाखाय असमिया आरो गुबुन गुबुन ओनसोलारि रावफोरखौ बाहायनाय।

आसामनि जिलाफोरनि मावदिन्थि:

- सोलोंसाफोरनि सिनायथि: 13 मे 2026 सिमाव गं 2 (नै) जिलाफोर, फारियै हाइलाकान्दी आरो चराइदेव जिलाया 100% सिनायथि मोनबाय। गुबुन गंनै 2 (नै) जिलाफोर, फारियै ग'लाघाट आरो लखिमपुर जिलाया 80% निबो बांसिन सिनायथि मोननो हाबाय।
- मावसोम फोरोंगिरि सिनायथिनाय: 13 मे 2026 खालारसिम, खालि गं 1 (गंसे) जिला, हाइलाकान्दीया 80% निबो बांसिन मावसोम फोरोंगिरि (VT) सिनायथिखौ मोननो हादों। गुबुन जिलाफोरा दावगानायनि गुबुन गुबुन थाखोफोराव दं।

भारत सोरखारजों दिहुनजानाय नेमखान्थि बादियै, मावसोम फोरोंगिरिफोरनि (VTs)
रुजुजखाया 1:10

आसामनि जर'खा आखुथाफोर:

- गोग्लैसोनानै थानाय राइजोनिसिम सौहैयो थाखाय गामि ओनसोल, साहा बागान ओनसोल आरो च'र ओनसोलफोराव राइजोआरि सोलोंथाइ मिरु दं ।
- बाहागो लानाय आरो सुबुं फोसावदिनायखौ थुलुंगा होनो थाखाय लामा फावथाय, साइकेल रेलि, बिफां गायनाय हाबाफारि, समाजारि मेल मिथिं आरो हारिमुवारि हाबाफारि जेरै ULLAS नि सुबुं मेथाइ, सुंद' सावथुन आरो रेडिअ' फोसावनाय बायदि हारिमुवारि हाबाफोरफोरनि गेजेरजों सांग्रांथि फोसावनाय हाबाफारि।

मोनफुंनाय:

- दासिम आसामाव ULLAS नि सिडाव मोन 5 (मोनबा) गुदि लेखा रोंनाय आरो अनजिमा सुमोनथाय आनजाद (FLNATs) खुंफुंबाय। बे गासै गुदि लेखा रोंनाय आरो अनजिमा सुमोनथाय आनजादफोरखौ जमायै 10 लाखनिबो बांसिन सोलोंसाफोरा जाफुंसारै उश्रिसारनो हादों।
- आसामनि ULLAS आ बैसोगोरा लेखा रोडिखौ खमायनाय, आइजो आरो गोग्लैसोनानै थानाय हारिफोरखौ गोख्रों खालामनाय आरो जिउनां सोलोंनायनि हारिमु सोरजिनायाव मदद खालामगासिनो दं। बे दोरोडारि फोरोंनायखौ गोदान मुगानि आगजुफोरजों गलायनानै सोलोंथाइखौ बांसिन बिथिं आरो गोजोरथियारि खालामगासिनो दं।
- आसामनि मोनसे साबसिन खामानिया जाबाय म'रिगाव आरो बारपेटा जिल्लनि जोबथेसालिफोराव FLNAT आनजाद खुंनाय। लेखा गोरो जेल जोबजानाय खैदिफोरा लेखा रोडि खैदिफोर/ जेल जोबसाफोरखौ (UTP) सोलोंथाइ होनो थाखाय मावसोम फोरोंगिरि मह्रै थिसननाय जादोंमोन।

फोजोबनाय:

- ULLAS (समाजाव गासैनिबो जिउनां सोलोंनायनि बुजिनाय) एबा NILP आ मोनसे आबुं बिथांखि जायनि थांखिया **गासैनिबो थाखाय सोलोंथाइ (Education for All)** मोनथोरजों 2030 माइथायसिमाव भारतआव 100% लेखा रोंहोनाय।

- 15 बोसोर बैसोनि बांसिन लेखा रोडि सुबुंफोरखौ सोलोंथाइ होनायाव आसामा मोजाडै खामानि मावगासिनो। मिजिं थिदोंदि बे राइजोआ थाबैनो आबुं लेखा रोंनाय रायजो (fully literate state) फोसावजागोन।
- आसामनि रायजो लेखारोंनाय मावथांखि खोमथाइनि (SLMA) गोख्रों नाजानायाव रायजोनि रोजा-रोजा लेखा रोडि सुबुंफोरा दा लेखा रोडैनि गाज्जि बान्दानिफ्राय उदां जाबाय।